

**ԱՐՑԱԽԻ ՀԱՆՐԱՊԵՏՈՒԹՅԱՆ ԿԱՌՎԱՐՄԱՆ ՆՈՐ ԶԱԻ ԱՆՎՏԱՆԳԱՅԻՆ  
ԲԱՂԱՌԻՉՆԵՐԸ. ՈՐՈՇ ԴԻՏԱՐԿՈՒՄՆԵՐ\***

**Արտաշես Խալաթյան**

**Բանալի բառեր՝** Արցախի Հանրապետություն, նախագահական կառավարման համակարգ, նախագահ, խորհրդարան, գործադիր իշխանություն, սահմանադրական անվտանգություն, պատերազմ:

2017թ. փետրվարի 20-ին համաժողովրդական հանրաքվեի արդյունքում Արցախի Հանրապետությունում փոփոխվեց Սահմանադրությունը, և տեղի ունեցավ կառավարման համակարգի փոփոխություն. անցում կատարվեց կիսանախագահականից դեպի կառավարման լիարժեք նախագահական համակարգ:

Սույն փոփոխությունը ենթադրում է լուրջ և խորքային տրամադրության պահպան համակարգությունը կապված երկրի ինստիտուցիոնալ զարգացման նոր մոդելի ձևավորման հետ:

Դետարքութիւն է այն հանգամանքը, որ Արցախի Հանրապետության կառավարման համակարգի փոփոխությամբ ընդհատվեց հայկական երկրորդ պետության կողմից Հայաստանի Հանրապետության պետականական համակարգի ինչ-որ առումով կրկնորդման գործընթացը, երբ, ունենալով քաղաքական և տնտեսական սերտ փոփոխապես փոփոխություն Հայաստանի հետ, Արցախում հիմնականում փորձ էր արվում լիակատար մոտարկման հասցել Արցախի Հանրապետության պետականական ինստիտուտ-ները մայր հայրենիքում գործող քաղաքական, տնտեսական և իրավական համակարգերի հետ դա դիտարկելով Արցախի պետականության զարգացման այդ շրջափուլում ճիշտ մոտեցում:

Ներկայում, սակայն, Արցախում տեղի է ունենում պետականության զարգացման կուտակված փորձի վերաիմաստավորման գործընթաց, որին համահունչ Արցախի սահմանադրական և քաղաքական միտքը փորձ է անում ձևավորել քաղաքական և իշխանական համակարգի սեփական մոդելը՝ ենելով քաղաքական, տնտեսական և անվտանգային այն յուրահատուկ պայմաններից, որոնցում գտնվում է Արցախի Հանրապետությունը:

Կառավարման նոր հայեցակարգի մշակումը, իհարկե, նաև Արցախի քաղաքական վերնախավի քաղաքական հասունության վկայություն է, ինչը կարևոր գործոն է Արցախի պետական սուրբեկության անրապեսական տնօսականության:

Ընդհանրապես, պետական կառավարման համակարգի և ազգային անվտանգության փոխառնչության խնդիրը համեմատաբար քիչ է ուսումնասիրված: Մինչդեռ նշված հիմնահարցը որոշակի տեսական և գործնական կարևորություն է ներկայացնում, քանի որ ժողովրդի անվտանգության ապահովումը պետության առաջնային խնդիրներից և սահմանադրականական պարտականություններից մեզն է: Արամից հետևում է, որ պետության առջև որված սույն խնդիրի իրացման համար էական նշանակություն ունի, թե ինչպես և ինչ սկզբունքների հիման վրա է ձևավորվում պետության կառուցակարգը (մեխանիզմը), և սահմանադրական-ֆորմալ ինչպիսի լիազորությունների և ընթացակարգերի միջոցով են դրսերվում պետականական քարձրագույն մարմինների միջև հարաբերությունները:

Ազգային անվտանգությունը, լինելով քավականին լայն հասկացություն, ուսումնասիրվում է տարբեր գիտակարգերի կողմից: Սույն հոդվածի շրջանակներում թերևս նպա-

\* Հոդվածն ընդունվել է 30.03.2018:

Հոդվածը տպագրության է երաշխավորել գիտական դեկան, ի.գ.թ., դոցենտ Վ.Այվազյան:

## ՄԵՐՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

տակահարմար է ազգային անվտանգությունը դիտարկել սահմանադրական կարգի պաշտպանության լույսի ներքո. ուստի սխալված չենք լինի, եթե այս համատեքստում հավասարության նշան դնենք ազգային և սահմանադրական անվտանգության հասկացությունների միջև: Վերջինս գրականության մեջ բնորդշվում է որպես տարաբնույթ սպահնալիքներից [պետության] սահմանադրական կարգի պաշտպանվածության վիճակ [1]: Ընդ որում, այդ սպահնալիքները կարող են լինել ինչպես ներքին, օրինակ՝ ապստամբությունը, կազմակերպված հանցավորությունը, ընտրական ինստիտուտի խաթարվածությունը, այնպես էլ արտաքին պատերազմները, տնտեսական սանկցիաները և այլն: Տուրերտը սահմանադրական անվտանգության կարևորագույն տարրերից մեկը համարում է այդ անվտանգությունն ապահովող պետական մարմինների համակարգը [2]: Իրավամբ, նման մոտեցումն արդարացված է, քանի որ պետությունը՝ որպես ժողովրդի անվտանգության, և, որ նույնն է, թե սահմանադրական անվտանգության երաշխավոր, գործում է պետաշխանական լիազորություններով օժնված մարմինների համակարգի միջոցով, հետևաբար այդ համակարգի կազմակերպման, կառուցվածքի և գործունեության կարգի հիմունքները ժողովրդի և պետության անվտանգությունը պայմանավորող հիմնարար գործոններից են:

Պետական կառավարման ձևի անվտանգային բաղադրիչներից մեկն այն է, որ ծևավորվի և գործի պետաշխանական ինստիտուտների այնպիսի համակարգ, որը, հարմարեցված լինելով կոնկրետ երկրի և ժողովրդի պատմական, քաղաքական, իրավամշակութային և տեղական այլ պայմաններին, առավելագույնս ամրապնդի հանրապետական ժողովրդավարական կառավարման հիմքերը՝ դրանք դարձնելով անբեկանելի: Կարելի է ասել, որ պետական իշխանության մարմինների համակարգի այս խնդիրը ավելի լայն սոցիալ-իրավական երևույթի սահմանադրական անվտանգության օբյեկտն է:

Սահմանադրի կողմից ընդունված ցանկացած պետաշխանական համակարգ պետք է համապատասխանի իր գործառնան «տեղամքին», այսինքն սոցիալ-քաղաքական միջավայրին: Եթև արարար գործնականում չկամ կառավարման քարացած կամ մեկը ընդունված տրված նողեներ կամ կարծրատիպեր, և ամեն ինչ որոշվում է համեմատության մեջ: Միևնույն ժամանակ, սահմանադրական զարգացման միջազգային փորձը թույլ է տալիս որոշ չափով ուրվագծել կառավարման ձևերի ուժեղ և թույլ կողմերը՝ այդ թվում կախված այդ ձևերի իմաստենտացման երկրի համապատասխան սոցիալ-քաղաքական և այլ պայմաններից:

Քանի որ սույն հոդվածի առարկան վերաբերում է Արցախի Հանրապետության կառավարման նոր՝ նախագահական համակարգին, մենք կընարկենք նախագահական կառավարման համակարգի անվտանգային ասպեկտները՝ հաշվի առնելով Արցախի առանձնահատկությունները:

Մեր կարծիքով, Արցախի սահմանադրավիրավական և քաղաքատնտեսական տեսանկյունից էական առամձնահատկությունները կարելի է ամփոփել հետևյալ գործոններում Աղրեջանի հետ փաստացի և պաշտոնապես պատերազմական իրավիճակ և Արցախի տնտեսության ներփակ բնույթ և դրանից բխող սահմանափակ տնտեսական հնարավորություններ:

Միջազգային փորձի ուսումնասիրությունը ցույց է տալիս, որ դասական, հավասարակշռված նախագահական համակարգ զարգացած երկրներից գործում է, թերևս, միայն ԱԱՆ-ում, որը կարող է կառուցակարգային առումով ուղենից ծառայել նախագահական կառավարման ձևի օբյեկտիվ գնահատման համար: Այսուղի, իհարկե, հարկ է նկատի ունենալ, որ մեր քննարկնան առանցքը ոչ թե նախագահական համակարգն է լայն հնատով, այլ դրա անվտանգային չափումը:

Սույն համատեքստում հատկանշական է, որ ամերիկյան իրավական, քաղաքագիտական միտքը և նախադեպային իրավունքը հակված են նախագահական համակարգը համարելու այն օպտիմալ պետաշխանական համակարգը, որն ունակ է ապահովելու երկրի կայունությունն ու անվտանգությունը պատերազմի կամ ռազմական-հակամարտային այլ իրավիճակներում:

## ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

Այսպես՝ ամերիկացի քաղաքագետը Ք. Ռուիթերը գտնում է, որ պատերազմական իրավիճակն օրյեկտիվորեն ուժեղացնում է գործադիր իշխանությանը, և այս պայմաններում ժողովրդի կողմից ընտրված մեկ բարձրագույն պաշտոնյայի առկայությունը, ով ունակ է և լիազորված է ստանձնել պատասխանատվություն երկրի կառավարման համար, խստ կարերովում է: Ավելին հատկապես նման դեպքերում նախագահի հեղինակությունն ածում է, և նա դառնում է այն նարդը, ում շուրջ համախմբվում է ողջ քաղաքական համակարգը և ժողովրդը [3]:

Պատերազմները վերակազմավորում են պետական իշխանությունը, հանգեցնում տարրեր պետական ինստիտուտների միջև լիազորությունների վերաբաշխմանը, գրում է քաղաքագետ Զ. Նովելը [4]: Վերջինս նշում է նաև, որ երկրի անվտանգությանն սպառնացող իրավիճակներում ներառական, բանավեճային, մասնակցային ժողովրդավարական ընթացակարգերը որոշ չափով իրենց տեղը զիջում են անձնակենտրոն որոշումներին և օպերատիվ կառավարմանը, որի սուրբեկոր նախագահն է [5]:

Այսպիսով, ամերիկացի հեղինակների կողմից կարևորվում է պատերազմական իրավիճակներում երկրի անվտանգության երաշխավորի հստակ սուրբեկությունը և նրան վերագրվող քաղաքական պատասխանատվությունը: Այսպես կոչված *deliberative democracy*-ն, այսինքն մասնակցային, «քանավեճային» ժողովրդավարությունը պետության համար սպառնալից պահերին կարող է ավելորդ ռիսկերի ադրյուր դառնալ, եթե խորհրդարանում միջկուսակցական հակասություններն ու բանավեճերը կոնկրետ իրավիճակում ընդունվելիք որոշման շուրջ, այդ թվում զինված ուժերի դեկավարման և օգտագործման կապակցությամբ կարող են ուշացնել անհրաժեշտ քայլերի կատարումը և անորոշեցնել քաղաքական պատասխանատվությունը համապատասխան գործողությունների համար: Այս իմաստով, իհարկե, ուժեղ նախագահի ինստիտուտն ունի իր առավելությունները: Որպես զինված ուժերի գերագույն գիշավոր հրամանատար նախագահն է պատասխանատու պետության անվտանգության և տարածքային ամբողջականության համար՝ այդպիսով առարկայացնելով այս ոլորտում քաղաքական պատասխանատվությունը:

Այս հայեցակարգային եզրահանգմանն է եկել նաև ԱՄՆ գերագույն դատարանը: Վերջինս ուժեղ նախագահի որպես պատերազմական իրավիճակներում երկրի անվտանգության հիմնական երաշխավորի դերը դիտարկել է այսպես կոչված *crisis jurisdiction* կամ «ճգնաժամային դատական վերահսկողություն» հասկացության շրջանակներում, որի համաձայն պատերազմական դրության ժամանակ նախագահի իշխանությունը կարող է լինել գերակա խորհրդարանի նկատմամբ, և նախագահը պատասխանատվություն է կրում ոչ միայն որպես գերագույն գիշավոր հրամանատար զինված ուժերը դեկավարելու, այլև պատերազմը հաղթական ավարտին հասցնելու համար: Յետևար, ուժեղ նախագահի ինստիտուտը, որը ռազմական դրության ժամանակ օժտված է ընդարձակ լիազորություններով, իրավաչափ է [6]:

Մյուս կողմից նույնիսկ օրիասական պահերին հավատարմությունը ժողովրդավարական ընթացակարգերին կարևոր է, քանի որ այդպիսով ծևավորվում են այն անհրաժեշտ նվազագույն հիմքերը, որ նախագահի գործադիր իշխանական լիազորությունները նրա կողմից չչարաշահեն և չօգտագործեն անձնական-կոնյուկտուրային նպատակներով: Յետևար խորհրդարանական վերահսկողությունը գործադիր իշխանության նկատմամբ ևս էական նշանակություն ունի ռազմական իրավիճակներում երկրի սահմանադրական կարգի անվտանգության լիարժեք ապահովման համար: Խոսքը, մասնավորպես, վերաբերում է խորհրդարանի կողմից ռազմական և արտակարգ դրության իրավական ռեժիմների մասին օրենքների ընդունմանը, խորհրդարանի նախագահի կողմից հայտարարված ռազմական դրության և (կամ) ծնոնարկված միջոցառումների օրինականությամ և հիմնավորվածության ստուգմանը և այլն: Նման լիազորություններով օժտված է նաև ԱՄՆ-ի Կոնգրեսը:

Արցախի Յանրապետության Սահմանադրական բարեփոխումների հայեցակարգությունը տեղ է գտել այն մոտեցումը, որ Յանրապետության անհրաժեշտ է ուժեղ նախագահի

ինստիտուտ և ուժեղ ու միասնական գործադիր իշխանություն, որն ի վիճակի կլինի ինչպես խաղաղ, այնպես էլ պատերազմական պայմաններում մորիլիզացնելու երկրի բոլոր ռեսուրսները և օպերատիկ կերպով արձագանքելու ստեղծված իրավիճակի պահանջներին [7]: Այստեղ նկատի է ունեցվում այն հանգանանքը, որ կիսանախագահական կառավարման համակարգում առկա է գործադիր իշխանության երկվություն ի դեմս նախագահի և վարչապետի, որոնք ունեն պաշտոնաստանները և դրա հետ կապված լեզիտիմության տարրեր մակարդակներ, գործադիր իշխանության իրացման հարցում հստակ չտարածածավող լիազորություններ, ինչը թուլացնում է, առանձին վերցրած, թե նախագահին և թե վարչապետին և անարդյունավետ է դարձնում գործադիր իշխանության իրացման ողջ կառուցակարգը: Ուստի նախագահն ու վարչապետը փորձում են, միջյանց հետ մրցակցելով, իրարից լիազորություններ կորզել և այդպիսով գործադիր իշխանության համակարգում կշեռքի նժարը թեքել իրենցից մեկն ու մեկի կողմը: Մրա հետևանքն իշխանական համակարգի պոտենցիալ կոնֆլիկտագենությունն է, որը դրսևորվում է ոչ միայն նախագահի և վարչապետի մրցակցությամբ, այլև այդ մրցակցությամբ խորհրդարանի միջամտությամբ, որն Արցախի Սահմանադրության նախորդ խմբագրությամբ քաղաքան որոշակի պայմաններում, երբ նախագահի և խորհրդարանի քաղաքական հենարանները լինեն տարրեր, կարող եք հասնել իրեն լոյալ վարչապետի նշանակմանը, կամ նախագահը կարծավեր խորհրդարանը. Երկու դեպքում էլ կիսաքարությունը ներհանակարգի կայունությունը, և գրեթե անխուսափելի կդառնար ներհանակարգային բախումը:

Ավելորդ է նշել՝ պատերազմական կացության մեջ գտնվող պետության համար ինչպիսի գիր կարող է արժենալ նման ինստիտուցիոնալ հակասությունը: Մրան կարելի է ավելացնել նաև ընթացիկ կառավարման հարցերում նախագահի և վարչապետի հակասության պարագայում գեներացվելիք անկայունությունը, որը կարող էր հանգեցնել նախագահի քաղաքական ծրագրերի իրագործմանը վարչապետ-խորհրդարան տանդեմի խոչընդունման ու այդպիսով նախագահի քաղաքական մեկուսացմանը: Մինչեւո, ինչպես նշվեց վերևում, պետականական համակարգը երկրի սահմանադրական անվտանգությունն ապահովող գործններից մեկն է, ուստի պետության սահմանադրական ճարտարապետությունը պետք է ունենա համարժեք լուծումներ ներհանակարգային կողմաներն ու հակամարտությունները կանխարգելելու կամ առնվազն արդյունավետորեն կառավարելու համար: Այլապես Արցախի սահմանադրական անվտանգությունը խաթարող գործնքացները մեծ հավանակությամբ կարող են օգտագործել Աղրբեջանի կողմից Արցախի դեմ ագրեսիա սանձագերծելու կամ իրավիճակն այլ կերպ ապակայունացնելու համար:

Դաշտի առնելով վերոնշյալ մտահոգությունները՝ Արցախի փոփոխված Սահմանադրության մեջ առաջ են քաշվել մի շարք ինստիտուցիոնալ լուծումներ, որոնց նպատակն է պարզեցնելու և հստակեցնելու պետականական համակարգի ինստիտուցիոնալ կառուցվածքն ու դրա վրա հիմնված ներհիշխանական հարաբերությունները հստակորեն սահմանագատելով օրենսդիր և գործադիր իշխանությունների տնօրինման առարկաները, նախագահին վերապահելով գործադիր իշխանության գլխի կարգավիճակը և վերացնելով վարչապետի ինստիտուտը, նախագահին ընձեռնելով գործադիր իշխանության համակարգը գերազանցապես ինքնուրույնարար, առանց խորհրդարանի միջամտության ձևավորելու և դեկավարելու լիազորությունը: Արդյունքում՝ հստակեցվել է ինչպես գործադիր իշխանության համակարգի սուբյեկտների դերաբաշխությը, այնպես էլ օրենսդիր և գործադիր իշխանությունների փոխհարաբերակցությունը, որը մրցակցությունից պետք է թևակոյի համագործակցության և հավասարակշռման փուլ: Միևնույն ժամանակ նախագահի պետության և գործադիր իշխանության գոլուս լինելն ընդգծում է նախագահի առանձնահատուկ դերը երկրի ներքին և արտաքին քաղաքականության մշակման և իրացման գործում, բարձրացնում է նրա կարգավիճակն ու դերը Արցախի Դամբապետության սահմանադրական համակարգում:

Լինելով գործադիր իշխանության գլուխը, նախագահ առավել ազատ և առանց ինստիտուցիոնալ կաշկանդիչ հանգանանքների կիրացնի իր կառավարչական լիազ-

## ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

րությունները, իսկ պատերազմի վերսկսման պարագայում կիրականացնի նաև ճգնաժամային կառավարում: Նախագահի կարգավիճակը ծեռք կրերի ԱՍՆ-ի նախագահական համակարգին բնորոշ երկգործառույթ բնույթ, այն է պետության գլուխ և գործադիր իշխանության ղեկավար: Այս փոփոխությունը տեղ է գտել Արցախի Հանրապետության Սահմանադրության 87-րդ հոդվածում և միարժեքորեն միտված է Նախագահի պետական և ներհամակարգային կարգավիճակի ամրապնդմանը, ինչն անհրաժեշտ է պատերազմական վիճակում գտնվող պետության համար գործադիր իշխանության ուղղահայցի պահպանման և օպերատիվ հակածքնաժմային կառավարում իրականացնելու համար:

Միևնույն ժամանակ ուժեղ նախագահի ինստիտուտն ամենային չի բացառում խորհրդարանական վերահսկողությունը: Նոր համակարգում պարզապես ավելի խիստ է գործում իշխանությունների տարանջատման սկզբունքը՝ նվազագույնի հասցնելով միջամտությունն իշխանության քաղաքական ծյուղերի՝ Նախագահի և Ազգային ժողովի կողմից միմյանց գործառության լիազորությունների ընթացիկ իրացմանը: Մասնավորապես Ազգային ժողովը ձայների բացարձակ մեծամասնությամբ կարող է անվստահություն հայտնել Հանրապետության նախագահին (96-րդ հոդված): Քանի որ Հանրապետության նախագահը ընտրվում է ուղղակիորեն ժողովորի և ոչ թե խորհրդարանի կողմից, ինչպես խորհրդարանական համրապնություններում է, ապա նրան անվստահություն հայտնելն ինքնըստինքյան հանգեցնում է Ազգային ժողովի լուծարմանը, քանի որ և Հանրապետության նախագահը, և խորհրդարանն ունեն միևնույն ժողովդավարական լեզվի մությունը: Այսպիսով մի կողմից խորհրդարանն ունի նախագահի նկատմամբ քաղաքական պատասխանատվության միջոց՝ անվստահություն հայտնելու լիազորություն, սակայն մյուս կողմից «բարձր է» դրա գինը, որն է խորհրդարանի համաժամանակյա արձակումը: Դա մի կողմից ամրապնդում է նախագահի դիրքերը, ինչը հետևում է նախագահական կառավարման ծևի փիլիսոփայությունից, իսկ մյուս կողմից՝ նաև միտված է սահմանափակությունը:

Նույն սկզբունքն է գործում նաև նախագահի կողմից խորհրդարանն արձակելու պարագայում (90-րդ հոդված): Այդ դեպքում նախագահը պես ու կրածարական տա:

Այսպիսով՝ ծևակվորվում է հակակշռման արդյունավետ համակարգ, որը նվազագույնի է հասցնում նեղ-կոնյուկտուրային դրդապատճառներով օրենսդիր և գործադիր իշխանությունների միջև հակամարտությունը, քանի որ մեկի պաշտոնանկությունը մյուսի կողմից հանգեցնում թե օրենսդիր և թե գործադիր իշխանության բարձրագույն մարմինների նոր ընտրությունների: Բացի այդ, նման լուծումը բխում է նաև ժողովդավահանության սկզբունքից: Եթե ժողովուրդն է ընտրում նախագահին և Ազգային ժողովին, ուրեմն ժողովուրդը պես ու վերջնական խոսքի իրավունք ունենա այդ ինստիտուտների միջև բախումների դեպքում իր քվեով որոշելով, թե նրանցից ում է սատարում այդ կոնֆլիկտում կամ սատարում է արդյոք որևէ մեկին, թե ծևակվորում է քաղաքական ուժերի այլ համամասնությամբ օրենսդիր մարմին և ընտրում է այլ նախագահ:

Ինստիտուցիոնալ հակամարտությունների հանգուցալուժման այս կառուցակարգը լրացուցիչ կայունություն է հաղորդում իշխանական համակարգին վերջինիս գործառնաման հիմքում դեելով քաղաքական աղեկված նոտածողությունն ու համապետական շահի գիտակցման հրամայականը և ըստ եւթյան ֆիլտրելով համակարգն այնպիսի ուժերից և անհատներից, ովքեր առաջնորդվում են նեղ անձնական կամ գերազանցապես կուսական շահերով:

Պատերազմական վիճակում գտնվող Արցախի համար խիստ կարևոր է ինստիտուցիոնալ կայուն միջավայրի առկայությունը, որտեղ հստակ գործառության բաշխվածություն կա ժողովորի որպես պետական իշխանության ինքնիշխան կրողի և ներկայացուցական մարմինների գործառությունների և պատասխանատվության միջև՝ բացառելով կամ նվազագույնի հասցնելով ցանկացած հակամարտության արտասահմանադրական

## ՄԵԽՐՈԴ ՄԱՀՏՈՅ ՀԱՍԱՍՏԱՐԱՆԻ ԼՐԱՏՈՒ 2018

Լուծումը: Այդպիսով՝ բարձրանում է նաև Արցախի Հանրապետության սահմանադրական անվտանգության մակարդակը:

Սույն համատեքստում ավելորդ չէ նշել, որ Արցախի կառավարման նոր համակարգի ինստիտուցիոնալ մի շարք լուծումներ անվտանգության ապահովմանը նպաստելու տեսանկյունից փորձարկվել են արտաքին անվտանգային համանման պայմաններ ունեցող հսրայելում 1996-2001թթ. կիսախորհրդարանական համակարգի շրջանակներում: Այդ շրջանում հսրայելում վարչապետն ընտրվում էր ուղղակիորեն ժողովրդի կողմից, գործում էր խորհրդարանի և վարչապետի միջև վերահսկողության և հակակշռնան նման կառուցակարգ, ինչ ներդրվել է Արցախում այդ թվում խորհրդարանն արձակելու կամ վարչապետին անվտանգություն հայտնելու դեպքում վարչապետի և խորհրդարանի արտահերթ ընտրությունների անցկացմամբ [8]:

Ինչպես վերը նշվեց, Արցախում պետական կառավարման նոր համակարգի տեղայնացման ժամանակ ուշադրության արժանի հրողություն է նաև տնտեսության սահմանափակ բնույթի ու ռեսուրսների սղությունը: Քեզ այսպիսի պայմաններում է հաստկապես կարևորվում քաղաքական և տնտեսական հնարավորությունների ողջամիտ օգտագործումը և դրանց բազմապատկման ուղղությամբ նպատականդված պետական համրային քաղաքականությունը:

Ամերիկացի ճամաչված տնտեսագետ Տարոն Աժեմոլուն իր «Ինչո՞ւ եմ ազգերը ձախողվում» մոնումենտալ աշխատությունում հստակ փոխկապվածություն է տեսնում երկրի տնտեսական ռեսուրսների ծավալի և դրանց հանրային բաշխվածության և քաղաքական ինստիտուտների ժողովրդավարական բնույթի միջև: Ականավոր գիտնականը գտնում է, որ առանց ժողովրդավարական ներառական քաղաքական ինստիտուտների և հասարակության տարբեր շերտերի միջև այդ ինստիտուտների միջոցով հանրային իշխանության համեմատարար համամասնական բաշխման չեն կարող գործել ներառական տնտեսական ինստիտուտներ, որոնք կապահովեն հանրային բարիքների և հարստության արդարացի բաշխում հասարակության անդամների և սոցիալական խմբերի միջև[9]: Այլ կերպ ասած երկրի տնտեսական բարեկեցությունը կախված է քաղաքական ինստիտուտների ժողովրդավարական որակից և համարժեք արդյունավետ կառուցակարգերից: Իսկ տնտեսական բարեկեցությունը պետության անվտանգության չափման առաջնային ցուցիչներից է:

Վերոնշյալի համատեքստում դիտարկելով Արցախի Հանրապետության նոր կառավարման համակարգը՝ կարելի է արձանագրել, որ նախագահական կառավարման համակարգի այս մոդելը, որը ներդրվել է Արցախում, ապահովում է քաղաքական ինստիտուտների ներառականությունն ու միաժամանակ դրանց գործառնան կառուցակարգերի հստակությունը սահմանափակելով բյորոկրատացման, լիազորությունների կրկնորդման, ներհամակարգային կոնֆլիկտների հնարավորությունը: Նախ փոփոխված Սահմանադրությամբ քաղաքական համակարգում առանձնացվում են հետևյալ հիմնական դերակատարներ՝ յուրաքանչյուրն ունենալով հստակ և որոշակի, այլ ոչ թե հրակագրային գործառություններ՝ ժողովուրդ, կուսակցություններ, նախագահ, Ազգային ժողով, դատարաններ: Այս սոցիալական ինստիտուտներից յուրաքանչյուրը գործում է կամ անմիջական, կամ ներկայացուցական ժողովրդավարության մակարդակում:

Այսպես՝ ժողովուրդը՝ որպես պետական իշխանության սկզբնական և առաջնային կրող, անմիջական ժողովրդավարության կարգով ծևավորում է ներկայացուցական բարձրագույն մարմինները՝ Ազգային ժողովը և նախագահին, նրանց միջև հակամարտություններում հանդես է գալիս իշխանագոր արքիտրի դերում, երբ օրենսդիր կամ գործադիր իշխանության նշանակ մարմիններից մեկի նախաձեռնությամբ նրանց երկուսի լիազորությունները դադարում են, ժողովուրդն արտահերթ ընտրություններում իր քվեով որոշում է այս մարմինների միջև հակասությունում ում է սատարում նախագահին, թե խորհրդարանին կամ, ավելի ծիշտ, խորհրդարանի քաղաքականությունը որոշողի դերում որ քաղաքական ուժին է տեսնում այն ուժին, ով նախագահի հետ բախման անմիջական

## ՄԵՐՐՈԴ ՄԱՀԾՏԵՑ ՀԱՍԱԼԱՐՄԱՆԻ ԼՐԱՏՈՒ 2018

Կողմերից մեկն է, թե մեկ ուրիշի: Կամ գուցե ժողովուրդը որոշում է փոխել թե խորհրդա-  
րանական մեծամասնությանը, թե Նախագահին:

Մյուս կողմից՝ կուսակցությունները այն խողովակն են, որի միջոցով ժողովուրդը ձ-  
և ավորում է խորհրդարանը, ընտրում է Նախագահին: Կուսակցությունների նպատակն է  
նպաստել ժողովորի քաղաքական կամքի ձևավորմանն ու արտահայտմանը և մրցակ-  
ցային ընտրությունների արդյունքում ծեռք բերել հնարավորին լայն հնարավորություն  
մասնակցել երկրի կառավարմանը կամ նույնիսկ ծեռք բերել իշխանության քամենմասի  
«հսկիչ փաթեթը»: Իսկ դրա համար կուսակցությունների առաջնահերթ խնդիրն է բյուրե-  
ղանալ որպես հնքարավ քաղաքական-գաղափարական միավորներ՝ իրենց ուրույն քա-  
ղաքական տեսլականով և ծրագրով ու կայուն ընտրազանգվածով:

Խորհրդարանը և հատկապես Նախագահը, ձևավորվելով ժողովորի կողմից և ի-  
րենց վրա կրելով նաև կուսակցությունների ծանրակշիռ ազդեցությունը, այդուհանդերձ,  
de jure ամենա են նրանցից և հաշվետու են ժողովորին: Այս երկու ինստիտուտներն Ար-  
ցախում վարչող պետական քաղաքականության առաջնային և հիմնական պատասխա-  
նատու ներն են, որոնց հավասարակշռված և համագործակցային քաղաքական վարքա-  
գիծն Արցախի անվտանգության կարևորագույն քաղաքորիչներից է:

Նախագահը նիանձնյա ղեկավարում է կառավարությունը, երկրի քաղաքական և  
ռազմական կառավարման հիմնական պատասխանատուն է, ով ունի լծակմեր մասնակ-  
ցելու Ազգային ժողովի կողմից երկրի քաղաքականության հիմնադրույթների մշակման  
ու ընդունման գործընթացին և կարող է իր կամքն առարկայացնել Ազգային ժողովի ըն-  
դունմած օրենքներում և որոշումներում այդ թվում օրենսդրական նախաձեռնության ի-  
րավունքի, օրենսդրական վետոյի, Ազգային ժողովի հաստատմանը պաշտոնատար ան-  
ձանց թեմածուներ ներկայացնելու, խորհրդարանն արձակելու և այլ միջոցներով:  
Միևնույն ժամանակ Ազգային ժողովն էլ որպես օրենսդիր իշխանության մարմին ունի  
Նախագահի և կառավարության հետ համագործակցելու, Նախագահի մասնակցությամբ  
օրենսդրական գործընթացի, գործադիր իշխանության նկատմամբ այդ թվում նաև անվ-  
տանգության և պաշտպանական ոլորտներում վերահսկողություն իրականցնելու, նրան  
քաղաքական և իրավական պատասխանատվության կանցելու գործուն լիազորություն-  
ներ՝ կառավարության ծրագիրը չհաստատելու, Նախագահին անվտահություն կամ իմ-  
պիշմենթ հայտնելու և այլ կարուցակարգերով:

Դատարաններն իրենց հերթին ապահովում են քաղաքական և իրավական հարա-  
բերությունների սահմանադրականությունն ու օրինականությունը, պետական մարմիննե-  
րի, նրանց և քաղաքացիների միջև վեճերի արդարացի լուծումը անկան լինելով իշխա-  
նության ինչպես օրենսդիր, այնպես էլ գործադիր ճյուղերից:

Արցախի Յանրապետության սահմանադրական ճարտարապետության համարու  
ուրվագծում ցույց է տալիս, որ հայկական երկրորդ պետականության քաղաքական հա-  
մակարգում փորձ է արվել ապահովել առավելագույն հասարակական և քաղաքական  
ներարականություն, ժողովրդահիշխանության ոլորտում միջազգային լավագույն փորձի  
ներդնում այդպիսով զարգացնելով երկրի տնտեսական զարգացման պետական մի-  
ջոցների խնայողությանն ու առավել նպատակային վերաբաշխմանը:

Դատկապես փոքր պետություններում պետահիշխանական հարաբերությունների  
բարդ համակարգի և պետական մեծ ապարատի արկայությունը չի նպաստում ոչ պե-  
տական կառավարման որակական քաղաքության բարելավմանը և ոչ էլ տնտեսության  
մեջ պետության քաղաքականության արդյունավետությանը: Այնպիսի փոքր և Արցախի  
հետ համադրելի պետություններում, ինչպիսիք են Լյուքսեմբուրգը, Իսլանդիան, Անդոր-  
րան, Սան Մարինոն և այլք, շեշտադրվում է պետական կառավարման ինստիտուցիոնալ

## ՄԵԽՐՈԴ ՄԱՀՏՈՅ ՀԱՍԱՍԱՐԱՆԻ ԼՐԱՏՈՒ 2018

պարզ համակարգն ու լիազորությունների և պատասխանատվության որոշակիությունը: Այդպես ավելի դյուրին և արդյունավետ է պետական մարմինների գործունեությունը, համագործակցությունը, ինչպես նաև փոխադարձ վերահսկողությունն ու հակալշրջումը: Ապահովում է նաև հասարակություն-պետություն առավել գործուն հետադարձ կազմն ու ժողովրդի արդյունավետ մասնակցությունը պետության գործերի վարմանը:

Նոր կառավարման ձևի բարեհաջող իմպենենտացման համար կարևոր է համարժեք քաղաքական պրակտիկայի ձևավորումը: Ի վերջո և՛ Ածեմողլուն, և՛ այլ հեղինակներ, խոսելով ժողովրդավարական քաղաքական և տնտեսական ինստիտուտների մասին, նկատի են ունեցել ոչ միայն դրանց ֆորմալ մոդելների ամրագրումը, այլև գործնականում «խաղի համապատասխան կանոնների» իրացումը: Սույն հանգամանքը, իհարկե, չի նանացնում Արցախում սահմանադրական բարեփոխումների նշանակությունը, սակայն, միևնույն ժամանակ, մեծացնում է քաղաքական էլիտայի պատասխանատվությունն իշխանական համակարգի գործառնաման կանոնների կենսագործումն ապահովելու ուղղությամբ: Սահմանադրությունը կենդանի փաստաթուղթ կարող է համարվել միայն հասարակական հարաբերությունների համակարգի գործնական մոդելավորման վրա ուղղակի և համապարփակ ազդեցության դեպքում, իսկ սույն հարցն արդեն դուրս է մեր հետազոտության առարկայից և պահանջում է որոշակի ժամանակ արձանագրված արդյունքներին մասնագիտական գնահատական տալու համար:

Այսպիսով՝ կարող ենք որոշակի հավանականությամբ եզրահանգել, որ Արցախում նախագահական կառավարման համակարգի սահմանադրական ամրագրումը նոր էջ է բացելու հայկական երկրորդ պետության ինստիտուցիոնալ զարգացման գործընթացում: Անցումը կառավարման նոր մոդելի Արցախի քաղաքական և իրավական մտքի արգասիք և պետական իրավասությեկտության գորեղ ապացույց է: Նոր համակարգի ձևավորմանը սահմանադրությունը նպատակադրվել է ամրապնդել Արցախի սահմանադրական անվտանգության մակարդակը՝ հստակեցնելով «գործառույր-ինստիտուտ-լիազորություն» եռամասնական շղթայի յուրաքանչյուր օղակի տնօրինման առարկան և պետական ինստիտուտների փոխհարաբերակցության կառուցակարգը: Միևնույն ժամանակ խիստ կարևոր է Սահմանադրության առաջադեմ գաղափարների գործնական իրացնան խնդիրը, որպեսզի քաղաքական պրակտիկան համապատասխանի Սահմանադրության տարրին և ոգուն, այլապես այն բարեփոխումների տեսլականը, որն ընկած է Արցախում կառավարման նոր համակարգի հիմնադրման հիմքում, կմնա լոկ թղթի վրա Վտանգելով Սահմանադրության և պետաշխանական համակարգի լեզվի մությունը:

## ԾԱՆՈԹԱԳՐՈՒԹՅՈՒՆՆԵՐ

1. **Гончаров И.В.**, О соотношении понятий „национальная безопасность“, „государственная безопасность“, и „конституционная безопасность“, Актуальные проблемы российского права, 2009, с. 121
2. **Шуберт Т.Э.**, Национальная безопасность России: конституционно-правовые аспекты:, сравнительно-правовое исследование, М., Право и закон, 2001, с.31
3. **Rossiter C.**, The American Presidency, pp. 82- 111 (1956)
4. **Howell W. G.** Wartime Judgments of Presidential
5. Power: Striking Down but Not Back William G., Minnesota Law Review, 2008, <https://voices.uchicago.edu/williamghowell/files/2017/05/WartimeJudgments-1urun2v.pdf>, p.1782
6. նույն տեղում, էջ 1778-1818
7. **Howell W. G.**, նշվ.աշխ., էջ 1795-1818
8. Լեռնային Ղարաբաղի Հանրապետության Սահմանադրական բարեփոխումների հայեցակարգ, 2016թ., <http://www.nankr.am/hy/1827>

## **ՄԵՐՐՈԴ ՄԱՀԾՈՅ ՀԱՍԱՍԱՐԱՆԻ ԻՐԱԾՈՒ 2018**

9. Stoll H., Taking regime seriously, Standford University, 2001-2002, pp.14-15
10. Ачемоглу Д., Робинсон Дж. Почему одни страны богатые, а другие бедные, перевод с английского, Москва, 2015, с. 93-94.

### **ԱՄՓՈՓԱԳԻՐ**

**Արցախի Հանրապետության կառավարման նոր ձևի անվտանգային  
բաղադրիչները. որոշ դիտարկումներ**  
**Արտաշես Խալաթյան**

Սույն հոդվածում քննական հետազոտության է Ենթարկվել Արցախի Հանրապետությունում պետական կառավարման նոր՝ նախագահական համակարգը՝ սահմանադրական անվտանգության ապահովման վրա դրա ազդեցության տեսանկյունից: Վեր են հանվել նախագահական կառավարման համակարգի անվտանգային հիմնական բաղադրիչները՝ հաշվի առնելով Արցախի Հանրապետության առանձնահատկությունները: Այս համատեքստում ուսումնասիրվել է միջազգային փորձը և, նաև նավորապես, ԱՄՆ-ի սահմանադրապահական կառուցակարգերը: Առանձնակի քննարկվել են Արցախի Հանրապետության առջև ծառացած հիմնական անվտանգային ճարտարագրությունները, և հիմնավորվել է դրանց հարցահարման հարցում նախագահական համակարգի կառուցակարգային և գործնական նշանակությունը:

Քննարկվել են նաև նախագահական կառավարման ձևի ընդհանուր տրամաբանության շրջանակներում արցախյան սահմանադրի կողմից արված որոշ նորամուծություններ և դրանց կարևորությունն Արցախում ժողովրդավարական ինստիտուտների զարգացման և պետաշխանական համակարգի հավասարակշռության անրապնդման առումով:

Որպես Արցախում նոր սահմանադրական իրականությունում լուծման ենթակա օրեկարգային խնդիր առանձնացվել է սահմանադրական բարեփոխումներին համարժեք քաղաքական պրակտիկայի ձևավորումը:

### **РЕЗЮМЕ**

#### **Обзор аспектов безопасности новой системы правления Республики Арцах** **Арташес Халатян**

**Ключевые слова:** Республика Арцах, президентская система правления, Президент, парламент, исполнительная власть, конституционная безопасность, война.

Данная статья посвящена критическому исследованию новой президентской системы правления в Республике Арцах с точки зрения ее воздействия на обеспечение конституционной безопасности. Выявлены основные аспекты безопасности, связанные с президентской системой правления, принимая во внимание особенности Республики Арцах. В этом контексте исследована международная практика и, в частности, исследованы конституционные механизмы США.

Особое внимание уделено основным вызовам безопасности Республики Арцах и обосновано институциональное и практическое значение президентской системы для преодоления этих вызовов.

В контексте общей логики президентской формы правления в статье особое место занимает обсуждение некоторых нововведений, включенных в Конституцию Республики Арцах, и их важности для развития демократических институтов и утверждение баланса внутри системы государственной власти.

В качестве требующей решения насущной проблемы новой конституционной реальности в Арцахе, выделено формирование соответствующей конституционным реформам политической практики.

## SUMMARY

### Overview of Security Aspects of New System of Government in the Republic of Artsakh Artashes Khalatyan

**Keywords:** presidential system of government, President, parliament, executive power, constitutional security, war.

The article critically examines the new presidential system of government in the Republic of Artsakh in terms of its influence on maintainance of constitutional security. Main security aspects of presidential system of government are revealed, taking into consideration the peculiarities of the Republic of Artsakh. In this context international best practice and, in particular, the US constitutional mechanisms are examined.

In the article main security challenges of Artsakh are spesifically discussed, and institutional and practical importance of the new presidential system of government in meeting those challenges is substantiated.

Within general logic of presidential democracy the article has also touched upon several novelties, that constitutional engineers of Artsakh have inserted in the Constitution, as well as their importance in terms of development of democratic institutions of Artsakh and maintance of balance within the governmental system.

As a remarkable problem to be sovled within new constitutional reality in Artsakh formation of poitical practice, correspondent to constitutional reforms, is set out.